

南公懷瑾上師傳承：
準提法修持儀軌簡要
生起次第：



預備：①手結定印

②金剛跏趺（右腿放左腿上而坐）

③調呼吸至身心寧靜

④觀想頭頂上約二寸高有梵文 ॐ 字，大約直徑一寸，放白色光，光明徧照自己全身，乃至徧法界。



一、淨法界咒：唵嚩（喃）音嚩那

(一) 左手持念珠，右手結金剛拳印，置于右膝上。

(二) 唵淨法界咒二十一遍，每七遍後加唵「娑訶」一遍。

二、護身咒：唵嚩臨（逞）音嚩逞

(一) 右手結金剛拳印

(二) 唵護身咒二十一遍，每七遍後加唵「娑訶」一遍，唵畢，即用金剛拳印印額，左肩、右肩、心、喉五處，每印一處，即唵「吽」一聲。

(三) 此身即轉成金剛密身，諸魔不得其便。右拳散於頂上。

三、六字大明咒：唵嘛呢叭彌吽

(一) 雙手結蓮花手印，或左手結金剛拳印，置在左膝上。

(二) 觀想四臂觀音，口唵六字大明咒百零八，唵畢，金剛拳印（蓮花手）散於頂上。

(三) 刹那頃，空去自身我執，渾入虛空中，虛空與我無二無別，亦無虛空之量，我與虛空皆了不可得。

(四) 觀想虛空與我無二之中，十方起大風輪，風融于火，火融于水，水融于金剛地，地上涌起八葉巨蓮，放射七彩光明。

(五) 蓮蓬座中，生起我身，頂上放光，迎請 本師毘盧遮那佛，刹那頃，本師現丈六金身，無量相好，隨即更觀想自身奉上世間種種殊勝供養。刹那頃，佛身由我頂上光中渾入我身，我身立即轉爲本尊，無二無別。

(六) 又觀想傳法上師現前，如法供養之。上師又由我頂上光明渾入我身，三身合一，了無分別之相。

四、準提咒：南無颯哆喃，三藐三菩馱，俱胝喃，但姪他，唵折隸、主隸、準提、娑婆訶（音所哈）

一字大輪咒：唵 部林

(一) 兩手結準提印當胸。

(二) 觀想前面一座鏡壇。

(三) 觀想準提本尊于鏡壇中顯現雙跏趺坐，左右共十八手，頭戴五佛冠，三眼，面如滿月桃花，微帶笑容，非男女相，身如透明琉璃體，瓔珞莊嚴，無量相好光明，當胸二手結本印，下二手爲三昧印。下左持梵篋，右持金寶。復左七手次第執持——大傘蓋、寶花、寶盒、絹索、金輪、法螺、寶瓶，右七手次第執持——施無畏印，寶劍、數珠、寶果、利斧、金戈、降魔杵。心月輪中現布本咒之字輪（字輪式附前）。

(四) 當本尊現出時，可唸上師降魔咒「唵哈哩底嚩」三遍以察其真偽，真則現更清楚，偽則隨即隱沒。

(五) 刹那頃，本尊由自眉間光輝入我身，我身立刻轉成本尊，本尊與我身無二無別。

(六)觀想自身爲透明琉璃體，毫無雜垢，內空心中，生起八葉蓮花，紅色無根。蓮花上現一滿月輪，輪上現字輪。觀想由唵字起，從前右旋，次第周布輪緣，終而復始，字字光明燦爛，字輪不可觀想太大，愈小愈好。如此依法修持，唵滿九十萬遍準提咒（全文），感應道交，則爲生起次第漸漸完成。（正持誦未滿座時，若須談話，于自舌上，想一梵文ॐ八字縱使談話，不成間斷。）

圓滿次第

每次唵畢後，（遍數自定，愈多愈好）準提印 散于頂上，改結定印，而入圓滿次第，即想字輪收攝入于中間唵字，唵字收攝入于月輪，月輪收攝入于光明點（明點如黃豆大）明點直衝上頂，剎那頃，散于虛空，虛空之外，更無身心。我即虛空，虛空即我，亦無虛空之量可得，如來如來，如是如是。

南師親授準提佛母施食儀軌

「施食杯中放清水，以及白米（或飯或麩食）七顆
左手屈中指，散豎餘四指持杯，右手屈無名指置杯口。」

一觀想傳法上師自頂而入，與己合一。

二觀想 ω 入放光，洗淨徧法界與山河大地，以及自己身心。

念淨法界咒二十一聲（每七聲加娑婆訶）。

如：唵藍、唵藍、唵藍、唵藍、唵藍、唵藍、唵藍、

娑婆訶。（共三遍）

念時在施食杯上用右手無名指畫寫 ω 入。一邊唸一邊寫。

三觀想文殊師利菩薩，自頂而入，與己合一。

唸「南無大智文殊師利菩薩」三聲。

四唸六字大明咒（唵嘛呢叭咪吽）七遍。

五觀想準提菩薩，自頂而入，與己合一。

唸準提咒三遍：（同時加唸一字大輪咒）唵 部林）

南無颯哆喃 三藐三菩馱 俱胝那 但只他 唵 折

隸 主隸 準提 娑婆訶。唵 部林

六唸般若波羅蜜多心經一遍。亦可加大悲咒一遍。

觀自在菩薩。行深般若波羅蜜多時。照見五蘊皆空。度一切苦厄。舍利子。色不異空。空不異色。色即是空。空即是色。受想行識。亦復如是。舍利子。是諸法空相。不生不滅。不垢不淨。不增不減，是故空中無色。無受想行識。無眼耳鼻舌身意。無色聲香味觸法。無眼界。乃至無意識界。無無明。亦無無明盡。乃至無老死。亦無老死盡。無苦集滅道。無智亦無得。以無所得故。菩提薩埵。依般若波羅蜜多故。心無罣礙。無罣礙故。無有恐怖。遠離顛倒夢想。究竟涅槃。三世諸佛◎依般若波羅蜜多故。得阿耨多羅三藐三菩提。故知般若波羅蜜多。是大神咒。是大明咒。是無上咒。是無等等咒。能除一切苦。真實不虛。故說般若波羅蜜多咒。即說咒曰

◎揭諦揭諦。波羅揭諦。波羅僧◎揭諦。菩提薩婆訶。

七加持六祖四弘誓願一遍：

衆生無邊誓願度，煩惱無盡誓願斷。

法門無量誓願學，佛道無上誓願成。

八（恭請七佛加持）：

南無多寶王如來 南無寶勝王如來 南無妙色身如來

南無廣博身如來 南無離怖畏如來 南無甘露王如來

南無阿彌陀如來 （七佛名號各唸一遍）

九觀想施食遍滿虛空，唸發願文：

神咒加持甘露食，法食充滿遍十方。

施及一切有情衆，地獄餓鬼諸孤魂。

得食甘露味 離苦成正覺 自度復度他

永超三界樂 以此功德聚 衆生皆成佛

十念「唵、阿、吽」（右手畫寫[○]於施食杯上）。

十一念懺悔文（觀想一切有情與己同念）：

往昔所造諸惡業 皆由無始貪嗔痴

從身語意之所生 一切我今皆懺悔。

十二至戶外，在淨石，或淨地，或施食板上用手書寫[○]。

將杯中食物、清水施置其上，然後用右手書寫[○]。

圓滿吉祥

準提佛母菩薩修持法要

稽首皈依蘇悉帝 頭面頂禮七俱胝
我今稱讚大準提 惟願慈悲垂加護。

(每次念咒前先念此偈一遍。)

南無颯哆喃。三藐三菩馱。俱胝喃。怛姪他。唵。折
隸主隸。準提娑婆訶。

修持概要

一、1 焚香 2 跪拜 3 持咒 (每早晚各唸二百遍)

二、修持此法要有四個階段：一清業障。二求
智慧。三求福。四能終身持一經一咒。不間斷

則福報無量。

三、堅守五戒十善。以及六道萬行。

四、誦滿一寶塔一萬八千遍。每圈唸一百遍。用紅筆點上。凡誦滿一寶塔即剪下供奉，或前往寺廟於佛前焚香禱告燒化，祈願非常靈驗。

（最好事先影印數份圈點原稿存底。）


若能介紹志同道合

共霑法益者，功德尤勝。

五、凡多一人發心修持此咒塔者，此國家即少

一分災禍，所以其功德之大，罄筆難述。

六、不論持誦任何經咒，皆可依此寶塔圈點，而



持咒圈塔，既有如此殊勝功德，故凡遇祝壽、
賀喜、免災、祈求、懺悔、發願、迴向、薦拔之時，皆
宜歡喜受持施捨，努力行之。

說准提求願觀想法

若求無分別者，當觀無分別無記念。若求無相無色，當觀文字無文字念。若求不二法門者，應觀兩臂。若求四無量，當觀四臂。若求六通，當觀六臂。若求八聖道，當觀八臂。若求十波羅蜜圓滿十地者，應觀十臂。

若求如來普遍廣地者，應觀十二臂。若求十八不共法者，應觀十八臂。卽如畫像法觀也。若求三十二相，當觀三十二臂。

若求八萬四千法門者，應觀八十四臂。如上觀念，當入一切如來三摩地門甚深方廣不思議地，是正念處，是正眞如，是正解脫。念誦觀行了，欲出道場，復須依前次第，更結燒香、燈明、飲食等手契，供養懺悔，隨意發願，卽結前第一根本契，誦根本陀羅尼七遍，頂上散之。復結前車輅契，以二大拇指向外，三度撥中指頭，誦妙言曰

唵觀廬觀廬莎嚩訶

誦三遍

字，從前右旋，次第周布輪緣去音諦觀一一字義，與心相應不得差互，說三摩地觀念布字義。

唵字門者，是流注不生不滅義，復於一切法為最勝義。

折字門者，於一切法は無行義。

隸字門者，於一切法は無相義。

主字門者，於一切法は無起住義。

隸字門者，於一切法は無好義。

准字門者，於一切法は無等覺義。

提字門者，於一切法は無取捨義。

莎縛字門者，於一切法是平等無言說義。訶字門者，於一切法是无因寂靜無住涅槃義。

所說字義雖立文字，皆是無文字義，既無文字，須諦觀一一義相，周而復始，無記無數，不得斷絕。不斷絕者，為流注不生不滅最勝義。由不生不滅最勝義，是故無行。為無行義，是故無相。為無相義，是故無起住。為無起住義，是故無等覺。為無等覺

復結前迎請契，以二大拇指，向外三度開，卽成送聖者還本宮。妙言曰：
唵折隸主隸准提尊車尊車婆伽縛底，莎嚩喃布娜囉哦麼那耶莎縛訶誦三遍

復結前外火院大界契，誦阿三麼祇入爾妙言。左轉三遍卽成。

復更結三部三麼耶契，各誦妙言一遍卽了，任出道場，隨意經行。讀誦大般若，或華嚴，或無邊門或法華、楞伽、涅槃、大乘經論等。思惟誦說，或以七俱胝佛像塔印，用印香泥沙上、紙上，隨意印之多少，如念誦有功德，如經所說境界，一一分明了知次第。欲得作扇底迦等種種方法，或爲自身，或爲他人，卽任依法而作念誦。

說扇底迦法

若欲求息災，除一切鬼神，及聰明長命，求解脫者。卽於道場中，面向北，交腳豎膝而坐，衣服、飲食、香花、燈燭、地等，並用白色。從月一日至八日，日三時念誦及護摩等法。若念誦時，先誦根本陀羅尼三七遍已，然後但從唵字誦之。妙言曰：
唵折隸主隸准提與彼某甲除災難莎嚩訶

說布瑟置迦法

若欲求增長五通轉輪，種種寶藏，布奢輪劍、賢瓶、如意寶、安善那虞、里迦鏡及鉞、斧、羅索、三叉等一切財寶、藥草等求成就法者，身著黃衣，面向東，結伽趺坐，所供養香花、飲食、果子、燈燭、地等，並用黃色。從月八日至十五日，日三時念誦護摩等事，念誦如前。妙言曰：

唵折隸主隸准提與彼某甲所求如意莎嚩訶

說伐施迦羅拏法

若欲呼召一切天龍、鬼神、人、非人等，應作此法者，身著赤衣，面向西，結賢坐。香花、飲食、果子、燈燭、地等並用赤色。從十六日至二十三日日三時念誦，護摩等法。

妙言曰：

唵折隸主隸准提爲彼攝召某神成就我願莎嚩訶

說阿毘遮嚕迦法

若欲降伏一切惡神鬼及損三寶人天者，有多罪業障重衆生調伏難者，能令發菩提心修諸善業者，應起慈悲心而作此法。身著青衣，面向南，作蹲踞坐，左脚押右脚，用不香花、食果、地等皆用青黑色。從二十三日至月盡日，日三時念誦護摩等法。妙言曰：

吽折隸主隸准提吽發吒

作法已，卽如常念誦。

說七俱胝佛母准提畫像法

取不截白氈清淨者，擇去人髮。畫師受八戒齋。不用膠和色，用新椀成綵色而用畫之。其像作黃白色，種種莊嚴其身，腰下著白衣，衣上有花。又身著輕羅綽袖天衣，以綬帶繫腰，朝霞絡身。其手腕以白螺爲釧，其臂上釧七寶莊嚴，一一手上著指環，都十八臂。面有三目。上一手作說法相，右第二手施無畏，第三手把劍，第四手把數珠

，第五手把微若布羅迦果漢言子滿果此問無西國有，第六手把鉞斧，第七手把鉤，第八手把跋折羅，第九手把寶幢。左第二手把如意寶幢，第三手把蓮花，第四手把澡灌，第五手把索，第六手把輪，第七手把螺，第八手把賢瓶，第九手把般若波羅蜜經夾。菩薩下作水池，池中安蓮花，難陀拔難陀二龍王共扶蓮花莖，於蓮花上安准提菩薩。其像周圍安明光焰，其像作憐愍眼看。行者在下坐，手執香鑪，面向上看菩薩。於菩薩上畫二淨居天。像法如是。

佛說七俱胝佛母准提陀羅尼經

并念誦觀行法

佛說七俱胝佛母准提大明陀羅尼經

唐天竺三藏金剛智譯

如是我聞：一時，薄伽梵在名稱大城，祇樹給孤獨園。爾時，世尊思惟觀察，愍念未來諸衆生故，說過去七俱胝准提如來等佛母准提陀羅尼。乃至我今同說，卽說大明曰：

娜麼颯哆南去音下三藐三勃陀，去音俱音去音胝音上南二怛姪停也他三唵四折隸五主隸准提

莎嚩訶二合八

○若有苾芻、苾芻尼、鄔波索迦、鄔波斯迦，受持讀誦此陀羅尼滿九十萬遍，無量劫來五無間等一切諸罪，悉滅無餘。所在生處，皆得值遇諸佛菩薩。所有資具，隨意充足，無量百生，常得出家。

○若是在家菩薩，修持戒行，堅固不退，速得成就無上菩提，恒生天上，常爲諸天之

所愛敬，亦常守護。若下生人間，當爲帝王家子，或貴族家生，其家無有災橫，病苦之所惱害。不墮三惡道趣，諸有所作，無不諧偶，所出言教，人皆信受。

誦此陀羅尼滿十萬遍者，得見聲聞緣覺菩薩諸佛。若有重罪不得見者，更誦滿十萬遍，卽境界中吐出黑飯，或見昇於宮殿，或登白山及上樹，或見大池旋水，或騰空自在，或見天女與妙言辭，或見大集會中聽說妙法，或見拔髮，自身剃頭，或喫酪飯，飲白甘露，或渡大海，或浮大河，或昇師子座，或見菩提樹，或上船，或見沙門，或著白衣黃衣以衣籠覆頭，或見日月或見童男女，或見自身上有乳樹，或見花果樹，或見黑丈夫口中吐出火焰怖走而去，或見惡馬水牛狀似相鬪退失而走，或見自食乳粥，或見有香氣白花，若見如上相者，卽知罪滅。

若有五逆罪業重，不得見如上相者，應當更誦滿七十萬遍，決定得見如前相貌。

○復次，我今說此陀羅尼功德所作之事，若於佛像前，或於塔前，若清淨處，以瞿摩夷塗地，而作四肘方曼荼羅。復以花香、幡蓋、飲食、燈明、燭火，隨力所辦，依法供養。若欲求願，先須念誦，加持香水散於八方上下結界。旣結界已，於曼荼羅四角及其中央，皆各置一香水之瓶。行者於西，面向東方，胡跪念誦一千八十遍，

其香水瓶卽便自轉，隨意東西，任以高下。

○或以淨瓦鉢，燒香薰之，內外塗香，盛滿香水，并好香花，置曼荼羅中，依前瓶法而作念誦，其鉢則轉與瓶無異。

○若欲得知一切成就不成就事，卽燒香發願，啓白聖者，願決疑心，若右轉卽知成就，左卽不成就。

○又取好花，念誦一百八遍，遣一童子洗浴清淨，著新淨衣，以香末塗手，捧花掩面。復以自手更取別花，念誦一遍，一擲童子身上，童子卽悶，善惡皆說，隨意舞笑，起坐來去。

○或於淨潔鏡面，以好花，念誦一百八遍，散置鏡上，使者卽現鏡中。

○復以前法更取好花，散鏡面上，卽有善惡相自現鏡中，或以朱砂，或以香油，塗大
拇指甲，其香油以酥摩那花浸胡麻油中是念誦一百八遍，卽現天神及僧菩薩佛等形像。若心有所疑，三世中事，一一請問，皆知善不善，卽大拇指上皆自現。

○若人卒得惡病，以石榴枝，白茅香草等，念誦鞭拂之，卽愈。

○或以茅草置酥中，念誦七遍，擲著火中，燒之，令烟熏病人，卽除愈。

○或取童女所槎之線，念誦一遍作一結，如是滿二十一結，與病人小男女等項上繫著，惡魔、鬼魅等病，皆得除瘥。

○或以白芥子置酥中，取芥子少許，念誦一遍，一擲火中，如是二十一度，病即除愈。

○又以瞿摩夷塗地作曼荼羅，以炭畫地作彼形，石榴等杖鞭之，彼鬼啼泣求自走去，不敢更來。或以銅鑛鐵木等作金剛杵，置病人邊念誦，以杖打，亦即奔走。

○復有一法，若有人被鬼所著，復身在遠處，不能自來，或行者不能自去，應取楊枝念誦一百八遍，遣人將去彼云：汝往！汝去！某乙遣將此杖鞭汝，汝若不去，損汝無無疑，若不去，鞭之即去。

○復有一法，若在路夜行，念誦不闕，無有賊盜，及虎狼惡魅鬼等怖畏難處，持心念誦，并作護身，彼等諸難，即皆自滅。或發菩提心，或生怖畏，或有言說，心求免離，若被執縛，即自解脫。

○若欲渡江河大海，水中所有龍龜等畏，念誦亦如前法，即得不怖。

○或被蛇咬，即遣彼人，圍繞念誦人數匝，即得不怖。

○或患疔瘡、癰癤、癬漏，取熏陸香、淨土水相和，念誦二十一遍，塗上，即愈。

○或復國土水旱不調，牛馬畜等，疫毒流行，應以油麻、大麥、粳米、粟豆、酥蜜、乳酪、白乳木、諸雜香等，皆置一邊，燒香發願，爲一切衆生除去災難，即作手契護身想念，取前諸物，念誦加持，擲著火中，燒之。如是七日，日別三時作法，時別一千八十遍，即得滿願。一切安樂，一切三寶，悉皆護助，亦能成就一切大願。

○若欲降伏諸大鬼神見即心伏，取舍利骨七粒，於白琉璃椀中盛著，取醍醐半升亦盛著椀中。於白月十五日夜，香臺前及窣堵波塔前，泥一二肘方曼荼羅，置椀於中，取好花供養。西面著一香爐，燒安悉香，馱馱念誦。其椀中舍利當放光，或生出舍利，時行者持香爐，發願禮拜，即出取舍利盡，飲取醍醐。其舍利盛一琉璃瓶中，以五色綵囊盛之頭戴，即無量俱胝佛常逐行者，諸鬼神等自然降伏。作法時，一日一夜不食。若求富饒，以粳米、油麻，置酥酪中，手把少許，發願念誦七遍，擲著火中燒之。隨力七日乃至七七，即如其願。

○若求子，於樺皮葉上，書此陀羅尼，并畫童子，以紫綵裹之，念誦一千八十遍，安著髻中，即孕。

○若欲他敬念者，稱彼前人名字，念誦本部一千八十遍，即得敬念。

○若夫不樂婦，取淨瓶盛滿香水，別置淨處，以瞿摩夷塗作曼荼羅，念誦一百八遍。如是七瓶皆作此法，於淨處以香花爲道場，取瓶內香水洗浴，夫即愛樂，亦得有孕。婦不樂夫，亦如前法。

○若欲降伏捨觀噓，取一劫波羅，香湯淨洗浴，取黃丹和酥，塗著劫波羅上，使遍，塗一小曼荼羅置中。然五盞酥燈，布於四角并中心。稱前那摩，念誦一稱一誦，加持白芥子，曼荼羅上，著一盞乳，供養此劫波羅。一易云：爲我取彼質多來，彼即質多耨佉。欲母馱，彼捨觀噓即伏。實莫令盡，盡即累劫障道。

○若欲求聰明，取石菖蒲、牛黃各半兩，搗作末，以酥和，於佛前作曼荼羅，念誦五千遍，服之，即得聰明若。

○欲得見一切鬼神，取牛黃念誦，令煙火出，即塗目并服之，即見。復有一法，於大海邊或河渚間，沙渾之上，以塔形像印，印砂渾上，爲塔形像，念誦一遍，印成一塔，如是數滿六十萬遍，即得覩見聖者觀自在菩薩之像，或見多羅菩薩、金剛藏菩薩，隨其心願，皆得滿足。或見授與仙神妙藥，或見授與菩提之記。

，或現前問來，隨乞願皆得菩薩等位。

○復有一法，右繞菩提樹像，行道念誦滿一百萬遍，即見佛菩薩羅漢爲其說法。意欲隨菩薩，即得隨從，所求如願。乃至現身成大呪仙，即得往詣十方淨土，歷事諸佛，得聞妙法。

○復有一法，若乞食時，常持此陀羅尼，不爲惡人、惡狗等類之所侵害，乞食易得。

○復有一法，若在塔前、或佛像前、或舍利塔前，誦持此陀羅尼三十萬遍。復於白月一日至十五日，設大供養，一日一夜不食。正念誦時，得見金剛藏菩薩即將是人往自宮中。

○復有一法，若有王難被繫閉、枷鎖禁其身者，誦此陀羅尼，即得解脫。

○復有一法，若於轉法輪塔前，或佛生處塔前，或佛從忉利天下寶階塔前，或舍利塔前，於如是等諸塔之前，念誦右繞，滿七七日，即見阿鉢羅是多菩薩及呵利底菩薩。隨其所願，皆悉滿足。若須仙藥，即便授與，復爲說法，示菩提道。

○若有誦此陀羅尼者，乃至未坐道場，一切菩薩爲其勝友。

○又此准提大明陀羅尼，諸佛菩薩所說，爲利益一切衆生無邊菩提道場故。若有薄福

衆生無有少善根者，無有根器之者，無有菩提分者，是人若得聞此准提大明陀羅尼，若讀一遍，即得菩提分根器芽生。何況誦持常不懈廢，由此善根速成佛種，無量功德皆悉成就，無量衆生，遠離塵垢，決定成就阿耨菩提。

七俱胝佛母所說准提陀羅尼經

開府儀同三司特進試鴻臚卿肅國公食邑三千戶賜紫贈司空諡大監正號大廣智
大興善寺三藏沙門不空奉
詔譯

如是我聞：一時，薄伽梵在名稱大城逝多林給孤獨園，與大苾芻衆并諸菩薩，及諸天龍八部前後圍繞。愍念未來薄福惡業衆生，卽入准提三摩地，說過去七俱胝佛所說陀羅尼曰：

娜莫颯多南引。三藐三沒馱引。俱引胝南。引怛儻也二合他。引唵。者禮。主禮。准泥。娑嚩。二合賀引

○若有修眞言之行出家在家菩薩，誦持此陀羅尼，滿九十萬遍，無量劫造十惡、四重、五無間罪，悉皆消滅。所生之處，常遇諸佛菩薩。豐饒財寶，常得出家。

○若是在家菩薩，修持戒行，堅固不退，誦此陀羅尼，常生天趣。或於人間常作國王，不墮惡趣，親近賢聖，諸天愛敬，擁護加持。若營世務，無諸災橫，儀容端正，言音威肅，心無憂惱。

○若出家菩薩，具諸禁戒，三時念誦，依教修行，現生所求出世間悉地，定慧現前，證地波羅蜜，圓滿疾證無上正等菩提。

○若誦滿一萬遍，即於夢中見佛菩薩，即吐黑物。其人若罪尤重，誦二萬遍，即夢見諸天室寺舍或登高山，或見上樹，或於大池中澡浴，或見騰空，或見與諸天女娛樂，或見說法，或見拔髮、剃髮，或食酪飯，飲白甘露，或度大海江河，或昇師子座，或見菩提樹，或乘船，或見沙門，或見居士以白衣黃衣覆頭，或見日月，或見男童女，或上有乳菓樹，或見黑丈夫口中吐火焰，共彼鬪，得勝，或見惡馬、水牛欲來抵觸，持誦者或打或叱，怖走而去，或食乳粥酪飯，或見蘇摩那花，或見國王。

○若不見如是境界者，當知此人前世造五無間罪，應更誦滿七十萬遍，即見如上境界。應知罪滅，即成先行，然後依法畫本像，或三時、或四時、或六時、依法供養，

求世間出世間悉地，乃至無上菩提，皆悉獲得。

○若有修持此陀羅尼，當知未來成就處所，有難無難，悉地遲疾。應於一淨室，以瞿摩夷塗一小壇，隨力供養，以結界真言結十方界。以香水一瓶置在壇中，一念誦，其瓶動轉，當知所爲所求事成就。若不動轉，其事不成。

○又法，取一瓦碗，以香塗置於壇中，專心念誦，碗若轉動，事即成就。若不動，事即不成。

○又法，欲知未來之事，先塗一小壇，令一具相福德童子，澡浴清潔，著新淨衣服，以七俱胝真言，加持香塗童子手，又加持花七遍，置童子手中，令童子掩面，立於壇中。又取別花誦真言，加持一遍，一打童子手背，乃至二十一枚，即問童子，善惡之事，童子皆說。

○又法，取一明鏡置於壇中，先誦真言加持花一百八遍已，然後又誦真言，一遍一擲打鏡面，於鏡面上即有文字現，說善惡事。

○又法，欲知事善不善，成就不成就，取蘇摩那花香油，誦真言加持一百八遍，塗右手大拇指面，誦真言聲不斷絕，令童子觀指上，現諸佛菩薩形像，或現文字，具說

善惡。

○又法，若人患鬼魅病，取楊柳枝或茅草，誦真言，拂患者身，即得除愈。

○又法，若患重病者，誦真言一百八遍，稱彼人名，以牛乳護摩，即差。

○又法，若孩子夜啼，令童女右搓線，誦真言加持，結二十一結，繫於頸下，孩子即不夜啼。

○又法，先加持白芥子一百八遍，然後取芥子，誦真言一遍，一擲，打彼鬼魅者，滿二十一遍，其鬼魅馳走，病者除愈。

○又法，若有患鬼，以瞿摩夷塗一小壇，以麩炭畫地，作鬼魅形，誦真言，以石榴等鞭之，彼鬼啼泣馳走而去。

○又法，若人被鬼魅所著，或復病者，身在遠處不能自來，或念誦人又不往彼，取楊柳枝或桃枝或花，加持一百八遍，使人將往病人所，以枝拂病人，或以花使病人嗅，或以花打病人，是魅即去，病者除差。

○又法，若被蛇所囓，或拏吉女鬼所持，旋遶病人誦真言，其病速得除差。

○又法，若人患癰腫等，及諸毒蟲所囓，取檀香汁和土爲泥，誦真言七遍，塗瘡上，

即愈。

- 又法，若在路行，誦此真言，不被賊劫傷損，亦離諸惡禽獸等難。
- 又法，若鬪諍、言訟、論理，及談論求勝者，誦此真言強勝。
- 又法，若於江河中行，誦此真言，不被漂休，及水中惡龍、摩竭、鼃鼉等不敢傷害。
- 又法，若被囚禁繫閉者，誦此陀羅尼，速得解脫。
- 又法，國中有疫病，七夜以油麻、粳米，和酥蜜作護摩，即得災滅，國土安寧。
- 又法，若求豐饒財寶者，每日以種種食護摩，得財寶豐饒。
- 又法，欲令人敬愛歡喜者，真言句中，稱彼人名，即得歡喜順伏。
- 又法，若無衣者，念誦即得衣。
- 又法，意中所求，念誦皆得如意。
- 又法，若人身體支節痛，加持手二十一遍，摩觸痛處，即差。
- 又法，若患瘡及頭痛，以加持手二十一遍摩觸，亦得除差。
- 又法，塗一小壇，取一銅碗，盛滿淨灰，令童子兩手按灰碗上，持誦者應誦真言，本尊使者入童子身，其碗即轉。下語童子，即自結三部三昧耶印，誦三部真言，即

取滑石過與童子，童子即於地上書過去未來事吉凶善惡。及失脫經論、廢忘難義真言印，即得知解。

○又法，兩軍相敵，於樺皮上書此陀羅尼，懸於竹竿上，令人手把，誦真言，彼敵即破。

○又法，若女人無男女，以牛黃於樺皮上，書此真言令帶，不久當有男女。

○又法，或有女人夫不敬重，取一新瓶滿盛水，於瓶中著七寶及諸靈藥、五穀、白芥子，以繒帛繫瓶項，以真言加持一百八遍，令女人結根本印安頂上，以水灌頂，即得寵愛敬重。非但敬重，亦得有子息，在胎牢固。

○又法，行者每念誦時，結大印，誦真言，印塔滿六十萬遍，所求之事，即得滿足。觀自在菩薩、金剛手菩薩、多羅菩薩即爲現身，所求如意，或作阿蘇羅宮中王，或得菩薩地，或得長年藥，或得敬愛法成就。

○又法，於菩提道場，於大制底前，誦此陀羅尼，得見聖僧共語與悉地成就，得共彼同行，即共同彼聖僧。

○又法，於高山頂上念誦一俱胝遍，金剛手菩薩將此人領五百六十人，同共阿蘇羅宮

，壽命一劫，得見彌勒菩薩，聽聞正法，聞法已，獲菩薩地，得不退轉。

○又法，上毘補羅山云，但有高山亦得有舍利塔像前念誦，隨力以香花供養，乞食以支身命。從月一日至十五日，誦陀羅尼滿三十萬遍。取其滿日，一日一夜不食，倍加供養。至後夜，即見金剛手菩薩，將行人往自宮中，為行者則示阿蘇羅窟門，入窟中，得天妙甘露，壽齊日月。

○又法，於三道寶階從天下處寶塔，行者乞食旋遶誦俱胝遍，即見無能勝菩薩，與願為說妙法，示無上菩提道，或見訶利底母，將此人入自宮中與長年藥，還童年少，端正可喜，獲得伏藏，大人許可，應廣利益三寶，得一切菩薩安慰，示其正道，乃至菩提道場。

○又法，若人無宿善根，無菩提種，不修菩提行，纔誦一遍，則生菩提法芽，何況常能念誦受持。